

Euskal Herriko Ahotsak
ahotsak.com

Fernando Alegria Goiri Inpernu

*Muxika,
Bizkaia
(1923-2018)*

Aurkibidea



Biografia



"Inpernu" 1923. urtean sortu zen ezizen bereko etxean, Ugarte auzoko Bidekurtzen. Aita bertakoa zuen eta ama Arrietakoa. Hamar neba-arrebatatik zazpigarrena da bera. Elizaldeko eskolara joan zen 14 urtera arte eta gero Gernika-Lumora joan zen arotz lanbidea ikastera lau bat urtez eta beste 3-4 urtez Bilbora. Gerra sasoiari, bere aita herriko lurperatzailea izan zen, gerrako hildakoak eta lurperatzen. 23 urterekin kamioneta batekin esne-saltzaile hasi zen eta ostean obretan hasi zen kamioi-gidari legez: Gernika-Lumon, Miranda de Ebron eta Valladoliden, besteak beste. 44 urtez ibili da kamioiarekin. Tarte horretan, 1960an hasita, 9 plazadun autoa erosi eta taxilari bezala aritu zen 13-14 urtez astelehenetan eta ezkontza egunetan. Berak izan zuen inguruetan lehenengo autoa, 17.000 pezetako "Plimut" markakoa, eta baita telefonoa ere, garraiolaria zelako jarri zioten telefonoa. Baserrian bizi arren nagusitan hasi da baserriko lanetan; txakolina egiten dute etxean. Bere jaiotetxe ondoko Zizperrene baserriko alabarekin ezkondu zen.

Zintak

MUX-019

- **Proiektua:** Muxikako ahotsak
- **Elkarrizketatzailea(k):** Goiria Mendiola, Nerea
- **Data:** 2010-07-21
- **Iraupena:** 65 min
- **Euskarria:** Bideo digitala
- **Kodifikatzailea:** Goiria Mendiola, Nerea
- **Transkribatzailea(k):** Goiria Mendiola, Nerea

MUX-020

- **Proiektua:** Muxikako ahotsak
- **Elkarrizketatzailea(k):** Goiria Mendiolea, Nerea
- **Data:** 2010-07-21
- **Iraupena:** 88 min
- **Euskarria:** Bideo digitala

Pasarteak

1. Ugarteko eskolara

- **Erref:** MUX-019/002
- **Iraupena:** 0:02:55. **Hasi:** 00:03:08. **Bukatu:** 00:06:03
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola
- Familia eta harremanak » Lagunartea eta familia » Jolasak

Laburpena:

Eskolara ez zen askorik joan, 14 urtera arte baino ez. Eskolan ordu erdiko jolas-ordua izaten zuten. Intxaurren jolasa azaltzen du. Elizpean pilotaka aritzen ziren, artilezko pilotekin. Eskolan ez ziren neskekin egon. Beraiek maisua zuten eta neskatilek maistra.

2. Eskolan kopiazen eta osteko zigorrak

- **Erref:** MUX-019/003
- **Iraupena:** 0:02:25. **Hasi:** 00:06:03. **Bukatu:** 00:08:28
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola
- Ohiturak eta bizimodua » Hezkuntza » Maisu-maistrak
- Ohiturak eta bizimodua » Hezkuntza » Zigorrak

Laburpena:

<p>Eskolan ondoan izan zuenari kopiatzeko egindakoak dakartza gogora. Maisuaren zigorrak ez ziren batere gogorrak izaten. Don Vicente Millan izan zen bere maisua. Maisua bertan bizi zen, tabernan egon zen ostatuz. Maistrarekin, Gernikako Patrociniairekin, ezkondu zen maisu hura.</p>

3. Maisu erdalduna izan arren, eurak euskaraz

- **Erref:** MUX-019/004
- **Iraupena:** 0:02:10. **Hasi:** 00:08:28. **Bukatu:** 00:10:38
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola
- Familia eta harremanak » Lagunartea eta familia » Umetako kontuak
- Ohiturak eta bizimodua » Hezkuntza » Maisu-maistrak

Laburpena:

<p>Eskolan dena egiten zuten euskaraz nahiz eta maisuak ez jakin; hala ere, ondo konpontzen ziren. Eskolan beste bi lagun zituen, baina bera omen zen "jefie". Inoiz, eskolara joan barik basora joaten ziren. Elizaldeko eskolan arbela izaten zuten eta gehien zekiena irteten zen idazten.</p>

4. Inguruko lehenengo bizikletaren jabe

- **Erref:** MUX-019/005
- **Iraupena:** 0:01:49. **Hasi:** 00:10:38. **Bukatu:** 00:12:27
- **Multimedia:** bideoa online ikusgai

Gaia(k):

- Herria, azpiegitura » Herri-antolaketa » Aldaketak eta arazoak
- Ohiturak eta bizimodua » Hezkuntza » Eskola
- Herria, azpiegitura » Garraioak » Bizikletak eta motorrak

Laburpena:

Muxikako Elizaldetik Morgara arte ez zegoen beste eskolarik; hori dela-eta, bide horretan bizi zirenak Elizaldera arte etortzen ziren oinez. Sasoi hartan inork ez zuen bizikletarik izaten. Bera Gernikara hasi zenean ikasten, 12 urte ingururekin, bertara joateko bizikleta izan zuen eta bera izan zen inguruko bizikletadun bakarra. Errepiderik ere ez zegoen, gurdi-bideak bakarrik.

5. Esnea banatzen autoz

- **Erref:** MUX-019/006
- **Iraupena:** 0:03:57. **Hasi:** 00:12:27. **Bukatu:** 00:16:24
- **Multimedia:** bideoa online ikusgai

Gaia(k):

- Lanbideak » Batetik bestera zebiltzanak
- Herria, azpiegitura » Garraioak » Autoak

Laburpena:

<p>Gernikako tailer batera joan zen ofizioa ikastera. Lehenengo arotz moduan aritu zen eta gero Bilbora joan zen ofizio bera ikasten. Bere lagun bat esnea banatzen aritzen zen eta harekin batu zen karneta atera ostean, autoarekin egiteko banaketa. 1946. urteko gidabaimena du esku artean. Inguruko etxeetako esnea banatzen zuten inguruko herrietan.</p>

6. Esne-banatzailetik kamioi-gidarira

- **Erref:** MUX-019/007
- **Iraupena:** 0:02:47. **Hasi:** 00:16:24. **Bukatu:** 00:19:11
- **Multimedia:** bideoa online ikusgai

Gaia(k):

- Lanbideak » Batetik bestera zebiltzanak
- Herria, azpiegitura » Garraioak » Beste garraio batzuk

Laburpena:

<p>Beste lagun batekin aritzen zen esnea banatzen, baina bestea fabrika hasi zen lanean. Zuten ibilgailua saldu eta txahal biren diruarekin beste ibilgailu bat erosi zuen. Gernikako obretan hasi zen lanean, eta ostean,

Miranda de Ebrora joan zen. Sei urtez egon zen bertan. Azken 44 urteak Gernikan aritu zen kamioiarekin.</p>

7. Aroztegia txerriak jagoten

- **Erref:** MUX-019/008
- **Iraupena:** 0:01:41. **Hasi:** 00:19:11. **Bukatu:** 00:20:52
- **Multimedia:** bideoa online ikusgai

Gaia(k):

- Familia eta harremanak » Lagunartea eta familia » Gaztetako ibilerak
- Lanbideak » Arotzak

Laburpena:

Hamabi urterekin Gernikara joan zen aroztegia batera. Pintxe moduan zegoen, baina bertako txerria zaintzea ere egokitzen zitzaion. Ofizioa ikasten zegoela-eta, sekula ez zuen zentimorik jaso. Utzi egin zuen lan hura.

8. Gerran hildakoak lurperatzen

- **Erref:** MUX-019/009
- **Iraupena:** 0:03:54. **Hasi:** 00:20:52. **Bukatu:** 00:24:46
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Borroka
- Politika » Gerra zibila (1936-1939) » Gerran hildakoak eta zauritutakoak

Laburpena:

Gerra sasoian, 14 urte zituen Fernandok. Etxe inguruko kanoiak non egoten ziren azaltzen du. Fikan egon zen frontea eta han ondoko etxe baten ingurura joaten ziren kanoikada guztiak. Eurak bertan egon ziren, ez ziren mugitu. Nazionalek deskuidu bat izan zuten, bonba bat botata beraien soldaduak hil baitzituzten. Bertako gizonak lan ugari egitera derrigortu zituzten. Fernandoren aitak gorpuak lurperatzeko betebeharra zuen Muxikako kanposantuan, eta bera ere aritzen zen laguntzen.

9. Gorpuzkinen datuak botilan gordeta

- **Erref:** MUX-019/010
- **Iraupena:** 0:02:03. **Hasi:** 00:24:46. **Bukatu:** 00:26:49
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Gerran hildakoak eta zauritutakoak

Laburpena:

Gerran hildako soldaduak identifikatu barik lurperatzen zituzten bata bestearen gainean. Gorpu asko zatituta egoten ziren. Hasieran, gogorra egiten zitzaion betebeharrak, baina gero gogortu egin zen; bere aita oso ausarta zela dio. Aitak gorpuetan identifikazio-daturen bat aurkitzen baldin bazuen botila batean sartzen zuen gorpu ondoan. Hiruzpalau gorpu horri eskerrak atera zituzten, eta Gipuzkoa aldera eramanez.

Transkripzioa

- Kanposantuen zer danak zulo baten enterretan biezan eta nun enterretan biezan danak?

- [Plegan] joaten zan. Karo bat edo bi alkarren ganien bai, sardiñe lez.

- Nortzuk dien jakin barik?

- Nortzuk diezan harek inok ez zittuzen jakin, horra apurtute etor zien-ta. Ta apurtute etor zien, odola ta dana, nik harek danak ikusi nittuzen eta ya pareute egon nitten, lelengoan billur handixe emoten osten, baia ya gero akostunbre neuen aitteaz, aitte euki nauen horretarako oso baliante, balixo handiko gizona zan. Batzuri berak ipitten otsien zeuzer tope otsen seiñen batzuk-edo boltsilloan-edo topeten otsenari, gure aittek bastante euki eban eskola eskolatzue orduen denporatarako, ze ariñau han ibil zen Gernikeko letxeridxara ibil zen ha be, kaballuaz karratoieaz, esniek eroaten-ta, apur bet euki ban eskolatzue. Papeli en eskribiduten eban nor zan-edo, eta botillien ipintten eban kortxoaz ipinitte, berana zera hori zen. Ta etor jakezan batzuek Gipuzkoa aldetik, eta atara eta eroan be ein zittuezan, hiru edo lau-edo dekot memorixen eroan zittuezala hara atarata, hori badekot akorduen hori badekot.

- Zure aittek apunteu bazelako izenak.

- Bai izenak apunteu ta botillen barruen ipiñi kortxoaz-ta. Ta nik orduen hamalau urte, bai hamalau urte euki nittuzan, hamalau urteaz ya apur bet, apur bet espabilleute egon giñen ze gosiek espabilletan deuela esaten deue personie.

10. Errota barik ogirik ez

- **Erref:** MUX-019/011
- **Iraupena:** 0:02:37. **Hasi:** 00:26:49. **Bukatu:** 00:29:26
- **Multimedia:** bideoa online ikusgai

Gaia(k):

- Baserria » Baserriko lanak » Garia
- Politika » Gerraostea eta Francoren diktadura » Ekonomia gerraostean
- Baserria » Baserriko lanak » Errota

Laburpena:

<p>Ortuak izan arren, miseria izan zuten ogi barik. Etxeko garia ehotzeko etxean bazuten eskuzko makina bat eta bertan ehotzen zuten gauez. Artoa, osteraz, ezin zuten eho, errota zarratuta egon baitziren. Ogi gutxirekin hazitakoak dira. Ogi beltza, zahiarekin egindakoa, izaten zuten.</p>

11. Oka auzoraino errota

- **Erref:** MUX-019/012
- **Iraupena:** 0:04:25. **Hasi:** 00:29:26. **Bukatu:** 00:33:51
- **Multimedia:** bideoa online ikusgai

Gaia(k):

- Iritziak » Antzinako bizimoduari buruzkoak
- Politika » Gerraostea eta Francoren diktadura » Ekonomia gerraostean
- Baserria » Baserriko lanak » Artoa
- Baserria » Baserriko lanak » Errota

Laburpena:

Oka auzoraino joan behar izaten zuten errotara, hurbil zuten errota prezintatuta baitzegoen. Antonio errotaria gauez egoten zen jendearen zain. Bere Arrietako osabak bi errota zituen, baina hark ere prezintatuta. Astelarra auzoan Olabe errota zegoen eta Ugarte auzoan beste bat. Kurtzero auzoan ere bazegoen errota, baina sekula ez zen hara joan. Errotariak "mendie" kentzen zuen, eramandako artoaren edo gariaren ehuneko zehatz bat. Morokila zelan egiten den azaltzen du. Morokila esnearekin oso gozoa dela dio.

12. Labeko sua, ogia

- **Erref:** MUX-019/014
- **Iraupena:** 0:02:24. **Hasi:** 00:34:15. **Bukatu:** 00:36:39
- **Multimedia:** bideoa online ikusgai

Gaia(k):

- Baserría » Baserriko lanak » Mendiaren aprobetxamendua
- Baserría » Baserriko lanak » Garia
- Politika » Gerraostea eta Francoren diktadura » Ekonomia gerraostean
- Baserría » Baserriko lanak » Artoa
- Familia eta harremanak » Lagunartea eta familia » Etxeko zereginak

Laburpena:

Bere aitak lantzean behin egiten zuen labeko sua, etxeko ogia. Gernikako lagun bati eramaten zion ogia, beraientzako gauza handia zen. Baserrian batetik edo bestetik lortzen zuten zer edo zer, kalean ez. Labeko sua zelan egiten zuen azaltzen du: labea otearekin berotzen zuten eta ondo garbitu ostean sartzen zuten ogia. Arto-opilak ere egiten zituzten.

13. Esne gutxiko behiak

- **Erref:** MUX-019/015
- **Iraupena:** 0:02:19. **Hasi:** 00:36:39. **Bukatu:** 00:38:58
- **Multimedia:** bideoa online ikusgai

Gaia(k):

- Baserría » Baserriko lanak » Baserriko animaliak
- Baserría » Baserriko bizimodua » Baserriko bizimodua
- Politika » Gerraostea eta Francoren diktadura » Ekonomia gerraostean

Laburpena:

Esne-eskasia ere ezagutu zuten nahiz eta behiak izan. Behiek soloan lan asko egiten zuten eta ez zuten pentsurik izaten jateko; hori dela-eta, esne gutxi ematen zuten behiek, ez gaur egun bezala. Diru gutxi izaten zuten, ezta meza ateratzeko ere. Hileta ostean gisatua ematen zitzaient jaten kanpotik etorritako senideei, eta horrek ere dirua balio zuen.

14. Anaia "Rebelión de la sal" batailoikoa

- **Erref:** MUX-019/017
- **Iraupena:** 0:03:10. **Hasi:** 00:40:13. **Bukatu:** 00:43:23
- **Multimedia:** bideoa online ikusgai

Gaia(k):

- Politika » Gerra zibila (1936-1939) » Borroka

- Politika » Gerra zibila (1936-1939) » Errepresioa

Laburpena:

Bere anaia zaharrena frontean egon zen, "Rebelión de la sal" batailoian. Boluntario joan zen Euzkadiren alde borrokatzera, behar baino lehenago. Gero Gasteizko kartzelan egon zen.

15. Lehenagoko zaharrak karlistak ziren

- **Erref:** MUX-019/018
- **Iraupena:** 0:01:19. **Hasi:** 00:43:23. **Bukatu:** 00:44:42
- **Multimedia:** bideoa online ikusgai

Gaia(k):

- Politika » Jarrera politikoak » Karlismoa, liberalismoa

Laburpena:

Muxikako lehenagoko zaharrak karlistak zirela esaten zen. Errepublikazaleak ez zituen ezagutu.

16. 1923koak erregistratu gabekoak

- **Erref:** MUX-019/019
- **Iraupena:** 0:02:08. **Hasi:** 00:44:42. **Bukatu:** 00:46:50
- **Multimedia:** bideoa online ikusgai

Gaia(k):

- Politika » Gerra aurea » 1931-1936: II. Errepublika

Laburpena:

Errepublika garaian mitinak egiten ziren, baina bera gaztea zen eta ez du askorik gogoratzen. 1923an jaiotako 25 egon ziren Muxikan eta sasoi hartan Primo de Rivera zegoen agintean. Udaletxeko idazkaria alper hutsa zen eta beraien izenak ez ziren azaltzen erregistroan. Baldomero abadeak datuak eskatu ostean, Frantziara egin behar izan zuen alde idazkari horrek.

Transkripzioa

- Eta errepublika sasoiko ze akordu dekozu? Muxiken eitten zien holan mitiñek edo errepublikanuen geuzek-edo?
- Bai, bai, mitin batzuk-eta hor eitten zien. Mitin batzuk, baia oniño ba guk hamalau urtegaz ba holako [zoñorik] oniño. Zera egon zan Primo de Riverak-edo pare zaniene errepublikako zerien, harek bai ein zittuzen aiuntamientuko rebisiñoak eta geuzek eta gu egon giñen hogeta bost giñen du kinttoak, "veinti tres"koak, nire kinttoak hogeta bost izen gara Muxiken. Ta hor egon zan sekretarixoa zan gixajoa, bago bat, bagoa izen ei zen bagoa, gero etor zaniene aitutamientuko errebisiñoa gu falta giñen hor, papeletan falta, eta hor egon zan abadie, don Baldomero abadie, zintzoa eta militar gogorra, haregañe joan zan sekretarixoa, pasetako libruetan bille eta harek negeu, bape emon ez, ta Frantzixera eskape biher izen eban sekretarixoak. Frantzixen pare zan tranbiarixoa ha, kobraadore. Dirudun gizona, dirudun gizona zan, eta Frantzixene gon zan harik eta hau asuntoa kanbixeu artien.
- Zer zan muxikarra sekretarixoa?
- Bai, muxikarra bai. Hongoxe tabernako, tabernan euki eban arrebie.

17. Gerra osteko alkateak eta aldaketak

- **Erref:** MUX-019/021
- **Iraupena:** 0:04:33. **Hasi:** 00:47:51. **Bukatu:** 00:52:24
- **Multimedia:** bideoa online ikusgai

Gaia(k):

- Herria, azpiegitura » Herri-antolaketa » Eraikuntzak eta azpiegiturak
- Herria, azpiegitura » Herri-antolaketa » Aldaketak eta arazoak
- Herria, azpiegitura » Herri-antolaketa » Udala

Laburpena:

Gerra osteko lehenengo alkatea Ziriako izeneko bat izan zen, Kurtzeroko trenbide-pasagune ondoko etxean bizi zen. Haren ostean, Kurtzeroko zerrategiko Esteban Elorriaga egon zen alkate. Azken honek Ugartetik Kurtzerora eraman zuen udaletxea, gaur egun eskola dagoen lekuan, eta frontoia eraiki zuen alboan. Gero Jose Maria Oar-Arteta eta Tomas Elorriaga "Bagera" egon ziren.

18. Muxikako aguazilak; Ugarteko tabernak

- **Erref:** MUX-019/022
- **Iraupena:** 0:03:12. **Hasi:** 00:52:24. **Bukatu:** 00:55:36
- **Multimedia:** bideoa online ikusgai

Gaia(k):

- Aisia » Taberna giroa » Tabernak eta jatetxeak
- Lanbideak » Udal langileak

Laburpena:

Gerra denborako aguazila eta postaria Roman errotaria izan zen. Gero Felipe egon zen. Azkenak Gorozikakoa (herriak batzerakoan) eta "Urtain" izan ziren. Gutunak tabernako mahai gainean izaten zituzten. Ugarten hiru taberna izan zituzten. Andrak etxean gelditzen ziren bitartean, gizonak joaten ziren tabernara.

19. Ugarteko Maiatz-pazkoak eta Astelarrako erromeria

- **Erref:** MUX-019/023
- **Iraupena:** 0:02:32. **Hasi:** 00:55:36. **Bukatu:** 00:58:08
- **Multimedia:** bideoa online ikusgai

Gaia(k):

- Aisia » Jai-giroa » Erromeriak
- Aisia » Jai-giroa » Herriko ospakizunak
- Aisia » Taberna giroa » Tabernak eta jatetxeak

Laburpena:

Tabernarako dirua apurra izaten zuten. Elizaldeko Maiatz-Pazkoaetan jai handiak egiten ziren: txirrindularitza-lasterketak, Gernikako banda, borroka libre... Astelarra auzoko erromeriara joaten ziren domekero, jende asko batzen zen. Gizonezkoek ordaindu egin behar izaten zuten dantzari egin ahal izateko. Goizetik bueltatu behar izaten ziren etxera.

20. Astelarrako erromeriako kalabazak

- **Erref:** MUX-019/024
- **Iraupena:** 0:02:41. **Hasi:** 00:58:08. **Bukatu:** 01:00:49
- **Multimedia:** bideoa online ikusgai

Gaia(k):

- Familia eta harremanak » Bikote kontuak » Ligatzea
- Aisia » Jai-giroa » Erromeriak

Laburpena:

Gizonezkoek eskatzen zieten emakumeei dantzan egiteko. Bere emaztea izan zenak ezezkoa eman zionekoa gogoratzen du: ezezkoa jaso osteko domekan berak eman zizkion gero kalabazak. Bere emaztea bere auzoko Zizperrene baserrikoa zen.

21. Astoa kanpaiak jotzen

- **Erref:** MUX-019/026
- **Iraupena:** 0:02:44. **Hasi:** 01:01:32. **Bukatu:** 01:04:16
- **Multimedia:** bideoa online ikusgai

Gaia(k):

- Ohiturak eta bizimodua » Erlijioa » Kanpaiak
- Familia eta harremanak » Lagunartea eta familia » Umetako kontuak

Laburpena:

Gaztea zela, abadeari egin zion gaiztakeria kontatzen du: elizako kanpaitako sokak astoaren gurdiari lotu zizkion. Berak ez daki zelan, baina abadeak jakin zuen bere astoa izan zela. Etxean hilabeteko zigorra jarri zioten.

Transkripzioa

- Bueno erromerixetakoak ba. Trastokeri batzuk-eta bai eiñikoak-eta bai bueno. Abadieri ein notsen nik hamen bat handitxue, handitxue ein notsen. Abadieri ya euko nittuzen hamasei-hamazazpi urte-edo holan. Hor kanposantu, torrien azpixon dauz sokak, kanpaien soka handixek dauz hor, ta akorde dxaten burdi-sokie eroan biher dotela /bitela/, burdixen honek burdixek amarretako azpigarrixegaz-eta horrek geuzekaz, kordel luziek egoten zien orduen, hogeta bost metro ingeruko sokak. Hartun etxeko sokie ta joan hara ta hareri amarre notsen, -erretire ein biherko dogu /biku/ hamendik-, amarre notsen kanpaien kanpa-sokari, ha burdixe, sokie. Ataa neuen kanpora, kanpora ataa neuen kanpora eta solo bat alboan, tabernien han baserri-etxie dau, haren atzien dau solo bat, bedarragaz, on be holantxe dau. Astoari amarreu ha sokie, ta astoa mobitzen zalez bedarra jotzen, kanpaie jotzen: "danba ta danba, ta danba ta danba". Ezkuteute ni, hor dator abadie, illuntzie e, illuntzie ya gaba gaba eitten, hor dator abadie nor dabillen ukusten, ta tunel moduen eitten harek entradie kanpa zerak-eta argixe botaten eban nor dan ukusten, ta klaro han iñor ez eban ukusten, sokak dabizela harantza edo honantza. Ta ez zan atrebiduten gehixau kanporantza urtetan, eta hor doa abadie hori billurregaz etxera ta nire astoa kanpak jotzen. Ta gero ein eban han egunien, partide bat denpora asko ein banien, solte neuen asto hori alboko zerekoa zan- ta, baserrikoa, solte neuen astoa hori ta ein neuen bakie, baia gero nor zan tope biher zan, nok ein eban hori. Nik ez daitz nundik edo handik, tope neue hille beteko bakaziñoak euki nittuzen etxien domekatan,

hille osoa urten barik aittek kastigue emon osten, hamazapi urte-edo holan eukiko nittuzen.

Alegria Goiri, Fernando | ahotsak.eus Orr.

CC-by-sa | Ahotsak.eus

Badihardugu Euskara Elkarte

Markeskua Jauregia, 20600 Eibar

943121775 - ahotsak@ahotsak.com